



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական  
աշխատողների մասնագիտական կարողությունների և  
հմտությունների զարգացման» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Էքսկուրսիաների և մշակութային այցերի դերը սաների  
զարգացման գործում

Մեթոդիստ՝ Քրիստինե Դանիելյան

Մանկապարտեզ՝ «Պատավաքարի  
անվան» ՀՈԱԿ

Կարեն

Մարգարյանի

2023

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
ԳԼՈՒԽ 1. ԷՔՍԿՈՒՐՍԻԱՆԵՐԻ ԵՎ ՄՇԱԿՈՒԹԱՅԻՆ ԱՅՑԵՐԻ ԴԵՐԸ ՍԱՆԵՐԻ ՋԱՐԳԱՑՄԱՆ ԳՈՐԾՈՒՄ	
1.1. ԷՔՍԿՈՒՐՍԻԱՆ ՈՐՊԵՍ ԿՐԹԱԴԱՍՏԻԱՐԱԿՉԱԿԱՆ ԳՈՐԾՈՒՆԵՈՒԹՅԱՆ ՁԵՎ.....	5
ԳԼՈՒԽ 2. ՀԵՏԱԶՈՏԱԿԱՆ ԲԱՂԱԴՐԻՉ.....	10
ԴԻՏԱՐԿՈՒՄ.....	15
ԵԶՐԱԿԱՅՈՒԹՅՈՒՆ.....	17
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....	18

## ՆԵՐԱԾՈՒԹՅՈՒՆ

Խելքը ոչ միայն գիտելիքն է, այլև այդ  
գիտելիքը ճիշտ օգտագործելու ունակությունը:

### Արիստոտել

**Թեմայի արդիականությունը:** Ժամանակակից մանկավարժությունը մարդու մասին գիտությունների համակարգի մի մասն է կազմում, որն ուսումնասիրում է մարդու զարգացումը նրա գործունեության, հարաբերությունների, սոցիալական կապերի համակարգը, ներաշխարհն ու տարիքային հոգեբանությունը: ՄԱՐԴԸ զարգանում և փոփոխվում է ողջ կյանքի ընթացքում, այսինքն նա շարունակական մանկավարժական օգնության կարիք է զգում ողջ կյանքի ընթացքում: Մանկավարժությունը և՛ տեսական, և՛ գործնական գիտություն է: Այն չի առաջարկում դեղատոմսեր, միանշանակ պատասխաններ: Սակայն առաջարկում է դրույթներ և ստեղծագործական որոնողական աշխատանքի սխեմաներ, որոնք թույլ են տալիս իրականացնել երեխայի դաստիարակությունը, ձևավորել նրա անձնային որակները, զարգացնել հմտություններ և կրթությունը դարձնել ըստ կարողունակությունների, որպեսզի մարդը իր սաղմնային ձևավորումից սկսած ստացած տեղեկությունները պահեստավորի և կիրառի արտաքին աշխարհում իր պատշաճ «գոյատևման» համար: Ժամանակակից մարդու առջև դրված են մի շարք պահանջներ և մարդը որպեսզի կարողանա հաղթահահարել աշխարհում ապրելու, արարելու խրթին գործընթացը պետք է ՆՈՒՅ-ից սկսած կրթությունն այնպես կազմակերպել, որ երեխան իր ստացած ակադեմիական գիտելիքները կիրառի գործնականում: Այստեղ տեղին է նշել, որ մեր պետությունը մանկավարժներից ակնկալում է ապահովել հենց այդպիսի կրթություն, քանի որ մանկավարժությունը գիտություն է և արվեստ, գիտելիքի, վարպետության, մարդկանց ճանաչելու ձգտման և կարողության սինթեզ: Հետևաբար մշակութային վայրերը այցելելը սեփական պատմությունը ճանաչելու և գոյության պայքարում դժվարությունները հաղթահարելու և մնայուն արարելու կարողունակության հիմքն է: Լ. Ասատրյանի, Գ. Հակոբյանի «Մանկավարժություն» համատեղ ձեռնարկում, որը ներկայացնում է մանկավարժության տեսական-մեթոդաբանական հիմքերը, մանկավարժական գործընթացի կազմակերպման օրինաչափությունները,

կանոնները, սկզբունքները, մեթոդները, համառոտ խոսվում է նաև էքսկուրսիաների մասին՝ որպես ուսուցման կազմակերպման ուշագրավ ձև<sup>1</sup>: Լ. Սմբատյանի, Լ. Վերդյանի, Շ. Մինասյանի Մանկապարտեզի միջին խմբի (4-5 տարեկանների) կրթական համալիր ծրագրում նույնպես խոսվում է էքսկուրսիաների դերի մասին<sup>2</sup>: Աշխատանքը կատարելիս օգտվել ենք ինչպես այդ գրքերից, այնպես էլ՝ համացանցային աղբյուրներից:

Իմ հետազոտական աշխատանքը սկսելուց առաջ, երբ մտածում էի, թե որ թեման ընտրեմ, որն է արդիական և համապատասխան ժամանակի պահանջներին, որ նպատակը, խնդիրներն ու վարկածները կարող են մի շարք հույժ կարևոր հարցերի պատասխանել, նոր տեսակետ, նոր գաղափար և նոր մոդուլներ մշակել և տրամաբանական լուծումներ առաջարկել ուսուցման գործընթացում, որպեսզի մեր սաների ձեռք բերած գիտելիքները, հմտություններն ավելի կիրառելի դառնան իրականության մեջ, ինձ ոգեշնչեց մեծ փիլիսոփա և մանկավարժ Արիստոտելի աֆորիզմը: Այսպիսով՝ մեր աշխատանքի թեման **արդիական** է բոլոր ժամանակների համար:

Այս աշխատության **նպատակն** է դիտարկել էքսկուրսիաների և մշակութային այցերի դերը սաների ճանաչողական և կրթական զարգացման գործում:

Թեմայի նպատակից բխող **խնդիրներն** են.

- վերլուծել մանկավարժների և հետազոտողների տեսակետներն ու համոզմունքները,
- ինդուկտիվ ու դեդուկտիվ եզրահանգումների արդյունքում առաջարկել այլընտրանքային և ինտերակտիվ վարկածներ և լուծումներ:
- կատարել մասնագիտական գրականության վերլուծություն:

**Աշխատանքի կառուցվածքը:** Աշխատանքը բաղկացած է ներածությունից, հիմնական գլխից, որի հիման վրա կատարել ենք եզրակացություններ, ապա աշխատանքին կցել ենք օգտագործված գրականության ցանկը: Աշխատանքը բաղկացած է 18 համակարգչային էջից:

<sup>1</sup> Լ. Ասատրյան, Գ. Հակոբյան, Մանկավարժություն, Երևան, 2017, էջ 219-221:

<sup>2</sup> Լ. Սմբատյան, Լ. Վերդյան, Շ. Մինասյան, Մանկապարտեզի միջին խմբի (4-5 տարեկանների) կրթական համալիր. Ծրագիր, Երևան, 2011, էջ 14:

# ԳԼՈՒԽ 1. ԷՔՍԿՈՒՐՍԻԱՆԵՐԻ ԵՎ ՄՇԱԿՈՒԹԱՅԻՆ ԱՅՑԵՐԻ ԴԵՐԸ ՄԱՆԵՐԻ ԶԱՐԳԱՑՄԱՆ ԳՈՐԾՈՒՄ

## 1.1. ԷՔՍԿՈՒՐՍԻԱՆ ՈՐՊԵՍ ԿՐԹԱԴԱՍՏԻԱՐԱԿՉԱԿԱՆ ԳՈՐԾՈՒՆԵՈՒԹՅԱՆ ՁԵՎ

**Լավ կազմակերպված և անցկացված էքսկուրսիան հավասար է հաջողված դասին:**

Էքսկուրսիան կրթական կամ ժամանցային նպատակով կազմակերպված կոլեկտիվ ուղևորություն, զբոսանք, շրջագայություն է դեպի բնություն, արդյունաբերական կամ կրթական կառուցներ, տեսարժան վայրեր:

Էքսկուրսիայի էությունը կայանում է ցուցադրման և բացատրման համադրության մեջ: Եթե այդ համադրությունից բացակայի ցուցադրումը, ապա այն կվերածվի պարզապես զրույցի: Իսկ եթե էքսկուրսիան զուրկ լինի բացատրությունից, ապա ցուցադրումն էլ իր հերթին կվերածվի ուղղակի տեսարժան վայրի այցելության:

Էքսկուրսիա բառը լատիներեն նշանակում է կոլեկտիվ ուղևորություն կամ կուլտուր-լուսավորչական նպատակ: Ռուսերենում այն ի սկզբանե նշանակում էր «փախչել, ռազմական արշավանք կատարել»:

Ի դեպ, գուցե հենց դա է պատճառը, որ էքսկուրսիա գնացողների որոշ խմբեր իսկապես զավթիչների ջոկատներ են հիշեցնում: Ընդհանրապես էքսկուրսիայի մեթոդաբանությունը մշակվել է 20-րդ դարի սկզբին ռուս ուսուցիչների և մեթոդիստների կողմից, որոնցում ներառված են մանկավարժական գիտության հայտնի ներկայացուցիչներ Կայգորոդով, Զվյագինցև, Արժանով, Անցիֆերով, Տարասով, Ռայկով:

1910 թվականից աշխարհագրական էքսկուրսիայի դասերը դարձել են ուսումնական գործընթացի պարտադիր բաղադրիչ: Ուսուցիչները իրենց դիտարկումներն ու եզրակացությունները հրապարակել են «Դպրոցական էքսկուրսիաներ և դպրոցական թանգարան», «Ռուս էքսկուրսիոնիստ», «Էքսկուրսիա տեղեկագիր» ամսագրերում:

Մեթոդաբանությունը շարունակաբար կատարելագործվում և ճշգրտվում էր՝ պահպանելով իր հիմնական սկզբունքը, որը ռուս ուսուցիչներն անվանում էին «ճանապարհորդություն»<sup>3</sup>:

Վերջերս լայնորեն տարածվել է 14-րդ դարի սկզբին ինչպես արտասահմանում, այնպես էլ մեզ մոտ, որը կիրառվում է ինչպես նախադպրոցական ուսումնական հաստատություններում, այնպես էլ հանրակրթական մնացած հաստատություններում, պարզապես ՆՈՒՀ-երում էքսկուրսիաները և մշակութային վայրեր այցերը ցանկալի է՝ լինեն ավելի մոտ: Էքսկուրսիան ճանաչողական դաստիարակության ճյուղերից մեկն է, որի նպատակը սաների ազատ ժամանցի կազմակերպման միջոցով նրանց հետաքրքությունների զարգացման համար պայմաններ ստեղծելն է, այն նպատակաուղղված է նրանց հոգևոր, գեղագիտական, ֆիզիկական զարգացմանը:

Հետևաբար ուսումնադաստիարակչական գործընթացում գիտելիքի հաղորդումը ցանկալի է պարբերաբար կատարել էքսկուրսիաների միջոցով՝ նկատի ունենալով, որ այդ ձևով յուրացումն ավելի կայուն ու խորն է լինում, իսկ գիտելիքի փոխանցումը ավելի աշխույժ, հետաքրքիր է դառնում: Այն, ինչը տեսնում է սանը, տպավորվում է նրա գիտակցության մեջ մեթոդիստի պատմածի, բացատրածի որոշակի իրադրությունների, երևույթների, փաստերի, շնորհիվ: Մեթոդիստը ցուցադրելով միաժամանակ սովորեցնում է ճիշտ ընկալել տեսածը: Այսպիսով՝ էքսկուրսիաները օգնում են նախադպրոցական տարիքի սաներին պատկերացում կազմել շրջապատող աշխարհի մասին հենց լսածը տեսնելու, վերացականը ակնառու-պատկերավորի փոխարինելու որոշակի իրադարձությանը մասնակից լինելու միջոցով:

Ուսումնական էքսկուրսիան կարելի է դիտարկել որպես հաջորդական և փոխկապակցված գործողությունների համակարգ

- դիտարկում,
- օբյեկտների ուսումնասիրություն,
- գիտելիքների համախմբում<sup>4</sup>:

<sup>3</sup> Կոնդրաշովա Մ.Ա. Նախադպրոցականների էկոլոգիական կրթությունը պարապմունքներին և առօրյա կյանքում, Մեթոդական ուղեցույց, 1991:

<sup>4</sup> Կամենևա Լ.Ա. Մանկապարտեզում երեխաներին բնությանը ծանոթացնելու մեթոդները, Մ., 1995:

Էքսկուրսիաները կարող են լինել ներածական, անցկացվում են նախքան նյութի ուսումնասիրությունը սկսելը, և վերջնական, որոնք կազմակերպվում են թեման ուսումնասիրելուց հետո՝ ձեռք բերված գիտելիքները համախմբելու նպատակով: Դասի ընթացքում սովորողները լսում են մեթոդիստին և կատարում անհրաժեշտ գործողություններ, որոնք օգնում են նրանց ավելի լավ յուրացնել և ընկալել ուսումնական նյութը:

Քայլարշավային էքսկուրսիաները ներառում են բաց տարածքում մեկ կամ մի քանի առարկաների ուսումնասիրություն:

Էքսկուրսիոն պարապմունքների անցկացման երկրորդ տարբերակը թեմատիկ օբյեկտ այցելելն է՝ թանգարան, ցուցահանդես, այգի, գիտական կենտրոն, ձեռնարկություն, գյուղատնտեսական ֆերմա և այլն, և լսել մասնագետ-մեթոդիստի պատմությունը:

Երրորդ տարբերակը այցելելն է այն օբյեկտները, որտեղ անցկացվում են գործնական պարապմունքներ՝ վարպետության դասեր<sup>5</sup>:

Էքսկուրսիա այցելելուց հետո նյութի համախմբումն իրականացվում է հաջորդ օրը: Սաներին խնդրում են նկարագրել իրենց տպավորությունները, համակարգել ստացած գիտելիքները և եզրակացություններ անել: Մանկապարտեզներում երեխաները նկարում և վերապատմում են նյութը, պատասխանում մեթոդիստի հարցերին: Էքսկուրսիաները միշտ նպաստում են ստեղծագործական կարողությունների զարգացմանը. ոմանք լավ են մտքերը թղթի վրա արտահայտելու մեջ, մյուսները գեղեցիկ նկարում են կամ արտահայտիչ կերպով պատմում:

Էքսկուրսիաների ընթացքում ձեռք բերված գիտելիքները դառնում են առարկայի հետագա ուսումնասիրության մեկնարկային կետ: Որքան հաճախ երեխաները այցելում են մշակութային և պատմական վայրեր, այնքան ավելի լայն են նրանց գիտելիքները շրջապատող բազմազան, բարդ աշխարհի մասին, ինչը եզակի հնարավորություններ է ընձեռում իրացնելու դրանք:

Կարևոր է նաև ճիշտ ընտրված ուղին դեպի դիտարկման օբյեկտ. այն չպետք է հոգնեցուցիչ լինի և սաներին շեղի ծրագրված նպատակից: Ընտրված ուղին պետք է

---

<sup>5</sup> Նախաշավիղ գիտամեթոդական հանդես, Երևան 2014:

լինի 2-5 կմ (կախված սաների տարիքային խմբից և ֆիզիկական հնարավորություններից): Դեպի ընտրված վայր (միակողմանի) ճանապարհորդության տևողությունը միջին խմբում չպետք է գերազանցի 30 րոպե, ավագ խմբում՝ 40-50 րոպե: Իհարկե, պետք է հաշվի առնել եղանակային պայմանները և ճանապարհի առանձնահատկությունները:

Մեթոդիստը ուշադրություն է դարձնում նաև սաների հագուստին, դրանք պետք է համապատասխանեն տարվա եղանակին և վայրին:

Էքսկուրսիային մասնակցող երեխաների թիվը կրկին կախված է նրանց տարիքից, որքան փոքր են երեխաները, այնքան փոքր պետք է լինի նրանց թիվը: Այսպիսով, կրտսեր նախադպրոցական մակարդակում նպատակահարմար է իրականացնել գործողություններ 6- 12 հոգուց բաղկացած ենթախմբի հետ:

Եթե էքսկուրսիան ենթադրում է տրանսպորտով ճանապարհորդություն, ապա դաստիարակը, մեթոդիստը և նախադպրոցական ուսումնական հաստատության ղեկավարությունը պետք է նախապես պատրաստեն համապատասխան փաստաթղթերը (պատվեր, անվտանգության ճեպագրույց, նախադպրոցականների ցուցակ և այլն), իսկ եթե որևէ արտադրամաս կազմակերպություն կամ հաստատություն են այցելելու, ապա պետք է համապատասխան պայմանավորվածություն ձեռք բերեն, զեկուցեն և ստանան թույլտվություն:

Ճանաչել նշանակում է վերափոխել, հասկանալ այդ վերափոխման գործընթացը և, որպես հետևանք, հասկանալ, թե ինչպես է այն կառուցված: Էքսկուրսիան որպես մեթոդ կիրառվում է ուսուցման ձևի կազմակերպման մի փուլ, որից հետո կամ առաջ կարող են կիրառվել նաև այլ մեթոդներ: Էքսկուրսիայի՝ որպես մեթոդի հիմնական ֆունկցիան ուսումնասիրվող օբյեկտը բնական վիճակում ընկալելն է:

Էքսկուրսիաներն իրենց ծրագրային օրակարգով տարբեր են, դա կապված է, թե ինչպիսի կոլեկտիվ է գնում էքսկուրսիա և որ տարիքային խմբին են պատկանում: Էքսկուրսիաները զարգացնում, ձևավորում, ամրապնդում են մարդու ճանաչողական, ստեղծագործական կարողությունները: Նա կարողանում է ինքնուրույն գիտելիքներ ձեռք բերել և այդ գիտելիքները ճիշտ կիրառել: Էքսկուրսիան նպաստում է երեխայի



հետազոտաստեղծագործական կարողությունների ձևավորմանը և ամրակայում է նրա բազմաբնույթ մտածողությունը, որոնք ի հայտ են գալիս ծննդյան պահից:

Բազմաբնույթ մտածողությունների հեղինակ, մանկավարժ հոգեբան Հովարդ Գարդները մարդու մասին առավել տեղեկություններ ստանալու ճանապարհը գտավ մտածողության իր մշակած 7 չափանիշների մեջ: Դա նշանակում է, որ մարդը գիտելիքներ է ձեռք բերում ողջ կյանքի ընթացքում, սակայն մտածողության այս կամ այն տեսակով օժտված է լինում ի ծնե: Եվ հենց մտածելու կերպով և ստացած տեղեկատվությունը ընկալելու, ըմբռնելու ձևով էլ մարդիկ տարբերվում են իրարից: Հովարդ Գարդների առանձնացրած մտածողություններից առաջին երկուսը /խոսքային, տրամաբանական/ հատուկ են ավանդական դպրոցին: Հաջորդ երեքը առնչվում են հիմնականում արվեստի հետ /տեսողական, երաժշտական, մարմնաշարժողական/: Իսկ վերջին երկուսը անվանում է խիստ անձնային մտածողություն /միջանձնային, ներանձնային/: Բոլոր 7 մտածողությունները խիստ անհրաժեշտ են էքսկուրսիա կազմակերպելու ընթացքում: Էքսկուրսիաներն իրենց կարևոր տեղն ունեն ուսուցման գործընթացն արդյու- նավետ կազմակերպելու մեջ: Այն կիրառվում է տարրական դպրոցից՝ առաջին դասարանից: Յուրաքանչյուր տարիքային խմբում այն ձևավորվում է յուրովի՝ ելնելով տարիքային առանձնահատկություններից:

Այսօր Հայաստանի թանգարանների մեծ մասը ներկայանում է բազմապիսի կրթական ծրագրերով՝ նախատեսված նաև նախադպրոցական տարիքի երեխաների համար: Հետաքրքիր ինտերակտիվ-էքսկուրսիաների, տարբեր թեմաներով կրթական ծրագրերի միջոցով թանգարանները այս հասակի երեխաներին մոտեցնում են արվեստին:

Դեպի մշակութային վայրեր այցելությունների շրջանակում կարելի է ներառել այցը մանկական ցուցահանդեսներ, որտեղ երեխաները կտեսնեն իրենց հասակակիցների վրձնած նկարները, ձեռքի աշխատանքները, քանդակները, պատկերացում կկազմեն նկարչության ժամերի մասին:

Մի շարք թանգարաններում ու գրադարաններում (Իջևանի կենտրոնական գրադարան) ամռան ամիսներին գործում են «Ամառային դպրոցներ»՝ փոքրիկ այցելուներին առաջարկելով հետաքրքիր նախագծեր:

Հ. Թումանյանի տուն-թանգարանում, Տիկնիկային և Խամաճիկների թատրոններում ևս նախադպրոցական տարիքի երեխաների համար նախատեսված հետաքրքիր ծրագրեր, ներկայացումներ կան:

## ԳԼՈՒԽ 2. ՀԵՏԱԶՈՏԱԿԱՆ ԲՍՂԱԴՐԻՉ

«Էքսկուրսիաների և մշակութային այցերի դերը սաների զարգացման գործում» թեմայի վերաբերյալ գիտական գրականության ուսումնասիրությունից ու վերլուծությունից հետո պետք է իրականացնել աշխատանքի հետազոտական բաղադրիչը, որը իրենից ներկայացնում է 2 պարապմունք, որի հիման վրա կազմել ենք պարապմունքի պլան՝ «Հեքիաթների աշխարհում» խորագրով:

Հետազոտության ժամանակ աշխատանքը իրականացվել է համալիր ծրագրով՝ զրույց և համապատասխան զննական ու դիդակտիկ նյութերով հագեցած:

Պարապմունքները ուսումնասիրվել և արձանագրվել են հաստատության մեթոդիստի կողմից, կատարվել են դիտարկման շրջանակում առաջարկություններ:

## ՊԱՐԱՊՄՈՒՆՔԻ ՊԼԱՆ

1. **Միջավայր**-խմբասենյակ, Լոռի-Թումանյանի տուն-թանգարան

**Խումբ**- ավագ

**Պարապմունքի տեսակը**- էքսկուրսիա, զրույց

**Ժամաքանակը**-2

**Թեմա**-Հեքիաթների աշխարհում

**Նպատակը**-

- Ծանոթացնել և իրազեկել թումանյանական հեքիաթներից մի քանիսին:
- Կատարել ճանաչողական այց և զարգացնել ճանաչողական -մոտիվացիոն կարողունակությունը,
- Երեխաներին դարձնել մշակութային առօրյայի մաս:

**Խնդիրները**- զարգացնել երեխաների կապակցված խոսքը, հաղորդակցումը, մտքերի փոխանակումը, խթանել ազատ խոսքի հնարավորությունը, արտահայտել շատ մտքեր տեսածը վերարտադրելու:

**Ուսումնական նյութեր**- Թումանյանի հեքիաթների գիրքը, համակարգիչ, Թումանյանի դիմաքանդակ-մանրակերտը՝ պատրաստված մեր կողմից, պաստառ

**Մեթոդներ**-Մտածի՛ր-արտահայտվի՛ր, Մենք հեքիաթի հերոսներ ենք, զրույց

Իրականացրել ենք այց Թումանյանի տուն-թանգարան դեպի Լոռի: Ծրագրային բազմաբնույթ միջոցառումների շնորհիվ աշակերտների գիտակցության մեջ ձևավորվում է հարգանք մեր ազգի պատմության, հերոսների, գիր ու գրականության, գրողների հանդեպ:

Կարևորում ենք նրանց այցը դեպի Լոռի, քանզի հիշողության մեջ տեղ կմնան առաջին տպավորությունները հայ մեծանուն լռեցուց, որոնք կուղղորդեն նրանց ամբողջ կյանքում: Մինչ այց կատարելը ժամանակի ընթացքում սաների համար կարդալ և քննարկել թումանյանական հեքիաթներ, հաճախակի դիտել դրանց հիման վրա եղած մուլտֆիլմերը, իրականացնել բեմականացումներ:

Տուն -թանգարանում նրանք իրենց հարգանքի տուրքն են մատուցում Թումանյանին՝ ծաղիկներ դնելով հուշարձանի մոտ, այդ պահից ի վեր յուրաքանչյուր սանի մոտ բարձրանում է հայրենասիրության և հպարտության զգացումը: Դիտում են տուն-թանգարանի բակում տեղադրված հեքիաթների փայտե հերոսներին, նկարվել նրանց հետ, վերհիշել հեքիաթները:

Կարևորում ենք ծնողների ներկայությունը, ինչն ազդում է աշակերտների վաքագծի դրսևորմանը: Ծնողական կոլեկտիվի ամուր կառուցմանը նպաստում է ուսուցչի կողմից նախապես ծրագրած փոքրիկ միջոցառումները: Կատարվող աշխատանքներն իրենց դրական ազդեցություններ են ունենում երեխաների ինքնահաստատման գործում: Միջին և ավագ խմբերում առավել ընդլայնված են միջոցառումներն ու էքսկուրսիաները: Այս տարիքում աշակերտները քիչ թե շատ ինքնուրույն են, կարողանում են ավելի լավ կապակցել միտքը: Այստեղ դաս-էքսկուրսիաիան նպաստում է մարդկային շփմանն ու դրական հարաբերություններին: Մեր տարածաշրջանում կազմակերպվող էքսկուրսիաները ևս նպատակային են և ունեն

իրենց նպատակահարմար տեղանքները, սակայն դեպի Լոռի էքսկուրսիան ունի նաև ճանաչողական և գիտելիքները ամրակայող նշանակություն:

Էքսկուրսիային մասնակցել են նաև մանկապարտեզի մեթոդիստը և երկու դաստիարակները:

## 2. Միջավայր-խմբասենյակ

**Խումբ-** ավագ

**Պարապմունքի տեսակը-**գրույց-քննարկում

**Թեմա-** Հեքիաթների աշխարհում

**Վերջնարդյունքներ-**ճանաչողական այցի միջոցով ամրապնդել տեսական գիտելիքներ Թումանյանի և հեքիաթների մասին: Նախադպրոցականների այցը մշակութային այս վայր կարևոր էր այնքանով, որ այն երեխաների մոտ առաջացրեց ուրախ, լուսավոր, տոնական զգացում:

**Կապը ՆԿՊԶ/ Նախադպրոցական կրթության պետական չափորոշիչ/-ով սահմանված վերջնարդյունքների հետ`**

- Խոսքի և հաղորդակցության ոլորտում—
  - բ. մտքերն արտահայտում է տրամաբանական հաջորդականությամբ` կիրառելով հոմանիշ, հականիշ բառեր,
  - ե. ճանաչում է աշխարհը փորձարկումների, ինքնուրույն գործողությունների միջոցով, խմբավորում առարկաները, պատկերներն ըստ ընդհանուր հատկանիշների,
  - ը. դրսևորում է հետաքրքրություն գրավոր խոսքի և ընթերցանության նկատմամբ,
  - ժ. հարցեր է տալիս մեղիայում լսած բովանդակության մասին, քննարկում է դրա նպատակը:
- Իմացական ոլորտում—
  - դ. մոդելավորում է առարկաները, հեքիաթի հերոսներին, բնության երևույթները:

**Կարողունակություններ`**

- Ճանաչողական և մոտիվացիոն կարողունակություն,

- Լեզվական և հաղորդակցական կարողունակություն
- Մշակութային կարողունակություն

### **Ընթացքը**

**Խթանում-** Առավոտյան, հենց երեխաները հավաքվում են, տրվում է հրահանգ կանգնելու և ուշադիր լսելու «Անբան Հուռին» հեքիաթից Հուռիի երգը: Սաներին անպայման հարցնել, թե որ հեքիաթն է, ով է հերոսուհին:

Հարց- Երեխանե՛ր, դուք սիրո՞ւմ եք հեքիաթներ:

Լսել կարծիքներ:

**Իմաստի ընկալում-** Երեխաները նստում են կիսաշրջանաձև, իսկ նրանց դիմաց՝ գրատախտակին կամ այլ հարմար տեղ տեղադրել մեր կողմից նախապես պատրաստված պաստառը՝ իրենց էքսկուրսիայի նկարներով, և սեղանին դնել Թումանյանի մանրակերտ-քանդակը, փորձել հետադարձ կապի միջոցով հասկանալ սաների նախազիտելիքների մակարդակը:

Ներկայացնել պաստառը:

Հարց-Ճանաչո՞ւմ եք նկարների երեխաներին:

Այստեղ անպայման կարելի է տեսնել խանդավառված սաներին, որոնք ճանաչում են նկարներում իրենց և իրենց ընկերներին:

Հարց-Ո՞վ է այս քանդակում:

Պատասխաններ լսելուց հետո պարզաբանել:

Ներկայացնել և վերհիշել անցած օրը:

Հարց- Կողքի նստածի հետ զույգ կազմել, ընտրել՝ ով որ հերոսն է:

Հեքիաթի շուրջ գիտելիքներն ամփոփելու համար՝ սաներին տալ ամփոփիչ հարցեր.

- Ինչպե՞ս էր կոչվում մեր լսած հեքիաթը:
- Ինչպե՞ս էր սկսվում հեքիաթը:

Լսել կարծիքներ:

### **Կշռադասում**

Ապա կազմել խմբեր՝ 5-6 հոգանոց, սեղանին խառը դնել տարբեր նկարներ, որոնց մեջ անպայման լինեն Թումանյանի հեքիաթների հերոսները, տուն-թանգարանի հետ կապված այլ նկարներ: Յուրաքանչյուր խումբ ընտրում է իրենց քանակով նկարներ, և ներկայացնում են՝ ով է կամ ինչ է: Մեթոդիստը կտա խթանիչ հարցեր:

Օրվա երկրորդ կեսին բոլորը միասին կդիտեն «Սոսլիկ որսկանը» մուլտֆիլմը [/https://youtube.com/watch?v=iUvq0pDfoPg&feature=shares](https://youtube.com/watch?v=iUvq0pDfoPg&feature=shares) /:

## ԴԻՏԱՐԿՈՒՄ

Դիտարկումը կատարվել է դաստիարակների, տնօրենի կողմից և արձանագրվել: Ստորև կներկայացնենք թեմայի շրջանակում կատարված դիտարկման արդյունքները՝ ըստ հաստատության տնօրենի գնահատման.

- Այս երկու պարապմունքները կարողացան որոշակի իմացություն տալ սաների գիտելիքների, ուշադրության, պատրաստվածության և մանկավարժ-մեթոդիստ-ծնող-կրթարանի սան քառամիասնության կարևորության և արժևորման մասին,
- Թեման հետաքրքիր էր, երեխաների ակտիվությունը՝ վարակիչ, սաների ոգևորությունը և հիացմունքը՝ ոգևորող,
- Պարապմունքին ներառված զննական-դիդակտիկ, ինչպես նաև ուսումնական նյութերը համապատասխանում էին թեմային,
- Մեթոդիստը կարողացավ հասնել իր առջև դրված նպատակին, որի շնորհիվ սաների մոտ արմատավորվեց ճանաչողական հմտությունների զարգացումը:
- Երեխաները իրենց զգում էին արժևորված ու կարևորված, քանի որ բոլորը մասնակցում էին, բոլորին լսում էին:
- Էքսկուրսիայի ընթացքում՝ տեսանելի են յուրաքանչյուր սանի և ամբողջ մանկական թիմի առանձնահատկությունները: Հենց էքսկուրսիայի ժամանակ, երբ երեխաները չեն գտնվում իրենց սովորական միջավայրում, կարելի է նկատել նաև մեթոդիստի մասնագիտական գործունեության թերությունները, գնահատել՝ մանկավարժական վարպետությունը:

Էքսկուրսիային մասնակից դաստիարակի դիտարկումը.

Այս էքսկուրսիայի քննարկում-դիտարկումներից հասկանալի էր, որ այցը նպատակային էր, որ այն տվեց երեխաներին պարզ գիտելիքներ արվեստի, գրականության վերաբերյալ: Դիտարկում կատարողները, երեխաների պատասխաններից եզրակացրին, որ նրանց դուր են եկել նկարները, գույները, հետաքրքրություն է առաջացել նրանց մոտ՝ դեպի արվեստը, էքսկուրսիան նպաստեց սաների նկարչական կարողությունների զարգացմանը: Այն երեխաները, որոնք

սկզբում անտարբերություն էին ցուցաբերում, այդքան էլ ուշադիր չէին, ընթացքում ակտիվացան և սկսեցին հարցերին պատասխանել: Մեթոդիստը այցի ընթացքում սաներին ներկայացրեց հեքիաթներից հայտնի առկա հերոսներին, նույնիսկ միասին պատմեցին Թումանյանի «Ծիտը», արտասանեցին Թումանյանի բանաստեղծություններից: Մեթոդիստի կողմից կատարված աշխատանքը խմբի սաների, ինչպես նաև մասնակից ծնողների և աշխատողների համար կլինի անմոռանալի: Կարելի է վստահ ասել, որ մեթոդիստը ապահովեց նախապես իր առջև դրած նպատակի կատարողականությունը՝ ապահովելով կապը չափորոշչային վերջնադյունքների հետ:



## ԵԶՐԱԿԱՑՈՒԹՅՈՒՆ

Այսպիսով՝ ուսումնասիրեցինք «Էքսկուրսիաների և մշակութային այցերի դերը սաների զարգացման գործում» թեման, որի արդյունքում կատարեցինք մի շարք եզրակացություններ.

- Էքսկուրսիան համարվում է ուսուցման կազմակերպման մի յուրահատուկ ձև, աշխարհաճանաչողական գիտելիքների հաղորդման միջոց:
- Քննարկվող թեման հետաքրքիր է և արդիական: Էքսկուրսիան ուսուցման կազմակերպման ձև է, որը հնարավորություն է ընձեռում բնական պայմաններում կատարել տարբեր առարկաների, երևույթների և գործընթացների ուսումնասիրություններ, դիտարկումներ: Չափորոշչային նորմերով ամրագրված գիտելիքների մի մասը կարելի է ստանալ էքսկուրսիաների միջոցով: Այս ձևով յուրացումը ավելի կայուն և խորն է լինում: Էքսկուրսիաները կատարում են այն նույն գործառույթները, ինչ-որ դասերը՝ ուսուցանող, դաստիարակող և զարգացնող:
- Ճիշտ կազմակերպված էքսկուրսիաները մեծ դեր ունեն երեխայի արժեհամակարգի ձևավորման վրա: Դրանք ունեն ճանաչողական մեծ նշանակություն: Էքսկուրսիաների միջոցով երեխաները ծանոթանում են հայրենիքին, ծննդավայրին, գեղագիտական արժեքներին, պատմական իրադարձություններին, բնական հարստություններին, բնության գողտրիկ վայրերին, հոգևոր կյանքի փաստերին:
- Կազմակերպված և անցկացված էքսկուրսիաները ինքնին ախտորոշման այնպիսի կախարդական միջոց են, որի օգնությամբ կարել է շատ լավ դիտարկել և շտկել երեխաների վարքի խնդիրները, որոնք միշտ չէ, որ տեսանելի ևն սովորական պարապմունքների ժամանակ: Սա հիանալի միջոց է սաների դիտարկման և գնահատման մեթոդը կիրառելու համար:

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Ասատրյան Լ., Գ. Հակոբյան, Մանկավարժություն, Երևան, 2017
2. Կամենևա Լ.Ա. Մանկապարտեզում երեխաներին բնությանը ծանոթացնելու մեթոդները՝ Մ., 1995:
3. Կոնդրաշովա Մ.Ա. Նախադպրոցականների էկոլոգիական կրթությունը պարապմունքներին և առօրյա կյանքում, Մեթոդական ուղեցույց, 1991:
4. Մորոզովա Լարիսա, Ինչպես ճիշտ և հետաքրքիր անցկացնել էքսկուրսիան մանկապարտեզում  
<https://mclkc.net/zanyatiya-s-detmi/konspekt-ckskursii-v-sredney-grupp.html>
5. Նախաշավիղ գիտամեթոդական հանդես, Երևան 2014:
6. Սմբատյան Լ., Լ. Վերդյան, Հ. Մինասյան, Մանկապարտեզի միջին խմբի (4-5 տարեկանների) կրթական համալիր. Ծրագիր, Երևան, 2011: